

近代中國史料叢刊第三十八輯

沈雲龍主編

槐 卿 遺 稿

沈衍慶著

文海出版社印行

同治元年刊

槐
卿
續
彙

Wilson

序

贈觀督沈君槐卿早擅文譽弱冠聯魁道光辛

於務關丞署未及壯年已宰章水奉諱服闋將復出山
 余方以少年科第未必更事疑之及談治興國事引經
 斷獄警服強豪雖老吏不及贈余詩云敷政衆之父摘
 奸明若神余言二語還以贈君於是始心折焉密函致
 江右撫軍爲之延譽撫軍者吳甄甫通家 文鎔 後殉節
 於兩湖者也越數年余守蘇南昌王蓉坡太守 藩 北上
 過訪時槐卿令鄱陽余問之云是邑繁難甲通省缺出
 天府求一良吏爲之藩言有素不識面之泰和合沈君

可勝斯任遂得調今治行冠豫章矣撫軍以藩爲知人
至咸豐建元辛亥正月余從閩南歸泊舟滕王閣下微
服采聽風謠則聞郡邑循聲洋溢街巷賑務實惠政事
實心且教令之詞訟獄之判救災請命之語興學訓士
之文一一膾炙人口羣以撫臣學臣交章薦舉爲得賢
是真以經術飾治者也嗚呼抱此宏才遭茲劫運救省
圍解戰死孤城使不能竟伸其志大展其才

國家不得收其用蒼生不得蒙其福豈不痛哉槐卿長
嗣芝修余甥也丙辰余往新安過七都甥延之入室以
母李恭人命出父書一篋丐余刪存余編爲十二卷甥

尚幼穉使歸母藏之流離轉徙抱以偕行千里馳書拳

拳索序避亂南昌致書閩嶠恭人亦賢矣哉憶殉節時余挽以聯

有義集一身都是膽光爭二曜只斯心等句聯云饒營甲士有幾

鄱邑勇夫有幾敢殺強寇敢救省垣義集一身都是膽豫章治行無雙廣陽人物無雙不負科名不孤祖訓光

爭二曜只斯心嗚呼後之讀斯集者想見其心雖與日月爭光

可也

咸豐十有一年孟秋月前福建汀漳龍道貴池桂超萬

丹盟甫序於榕城旅次

吾鄉桂丹盟觀管通籍最晚而與 贈君為忘年交

遂締姻焉是編曾經觀管刪訂釐為十二卷序而歸

之今年春詰嗣

芝修

奉其母恭人命以

變

與君交最

深屬再爲閱定乃哀次其遺稟政蹟析之各爲六卷

而以觀簪之序弁焉不忘始事也其手寫讐校凡三

易橐而後成則君之門下李茂才

逢辰

力任之卽恭

人之姪也剗劘之資則泰和士民思其遺愛鳩貲潰

成而泰和明府張君

梁

泉邑之大令李君

瀚

學博部

君子仁明經陳君

夢龍

實領袖焉書成爲敘其緣起

如此同治元年秋九月當塗夏燮識

序

自古畸人傑士宏猷壯略以氣節見者不必以文章顯也顧文以人重後之聞風慕義者想見其言論丰采雖得其咳唾之餘猶將瓣香事之况同官共事差肩接武於前後間者固已如覩其嚏血誓師嚙齒罵賊足以爭光日月留照汗青者乎則贈觀魯沈公槐卿其人也公皖人以名進士來江歷宰興國泰和輕徭薄賦除弊剔奸所至有神明之稱調任鄱陽鄱繁難甲通省又歲苦水災公勘驗賑卹實心實政民畏愛之會粵匪徧省垣衆數十萬大府檄飭各郡縣赴援一時兵餉交絀警報

頻聞僉瞻顧徬徨不敢進公獨督率鄉團數千沿紫章江要隘而省圍賴以終解旋聞賊竄入鄱復星夜馳還助勦時公已卸鄱篆麾下從者皆欲止公輒奮袂大呼曰鄱民視吾猶父母忍棄之耶且吾之赤子卽爾之親族忍視其死亡而莫之救耶聞者感泣從命凡數戰而以身殉焉嗚呼壯哉余聞公少年登第名譽藉甚詩文灑灑數千言倚馬可待然不自收拾大半散失其見諸吏治者告諭判牘稟詳各件略見一斑當世士大夫皆以年壯學優未盡其才爲公惜然古今名人學士位極通顯著述等身有爲人所吐棄而不屑道者抑或風月

吟嘲詩酒酬酢不旋踵而風流歇絕與草木同腐則以
載道之文之必歸於有德也余不才誼忝同舟每以不
得見公顏色爲恨而撫此遺編篝燈展誦一爲想像恍
遇公於靈風恠雨間歛歛煩醒不自覺其涕泗之無從
也則公以人傳不必以文傳而百千年後之聞其風慕
其義者不得見其人不但並其文而俎豆之乎則文與
公共垂不朽矣公子二長芝修次棠修余壻也出其遺
藁並劉殿撰桂觀察所撰序進質於予予嘉其能存手
澤也獎之勸之俾速付之梓而附序於簡末亦聊托名
於青雲之士云爾時同治元年秋黔中楊恆春謹撰

--	--	--	--	--	--	--	--	--	--

題詞

箕尾英魂去莫追廿年治譜一編遺鐵肩辣手椒山志

古誼忠肝信國辭懸鏡澄懷分曲直集中判牘最多徙薪遠慮

策安危謂上中丞請罷英夷和議書我來恨未休文識卻睹鬚眉紙

上奇

肯作文人風月詞循良忠義兩兼之頡頏青史龔劉傳

拜倒黃巾巡遠祠鄱陽雙忠祠祀君與李大令仁元聞君歿後賊屢竄擾有入祠拜禱者

江省已消豺虎患海山不返鶴猿姿君嘗恍惚記前生事作海山猿鶴圖

識者謂君形似猿李令似鶴元都此日風雷駕見君降感沐

恩榮應涕洟

咸豐辛酉嘉平月單懋謙敬題於西江使署



槐卿遺稿目錄

石埭沈衍慶著

卷一

賦

清丈屯田賦

鑿壁偷光賦

修篁近成林賦

紅葉賦

鴉片煙賦

卷二

古今體詩

鴻鵠行

題鮑小山虛心補讀圖

重陽前一日侍大父暨霞峯文堅二先生郊行卽
事

辛丑新正三日泊舟金山登覽諸勝復駕小艇遊
焦山紀詩二首

花朝後三日畢君律堂招同人賞素心蘭席罷余
偕陳春泉登仙壇夜話聯句

戊申秋鄱陽大水余勘災過儒堂山莊廉倉亭封
翁招飲並願出積穀貸貧戶賦贈

大雪行戲學歐陽禁體呈右文舅父

驅瘧歌

代友寄同幕陳君

重陽亨衢叔大父招客飲望佛庵從遊卽事

題張魯岡學博春水歸船圖

荏平題壁三首

贈星學汪炳文

拜大姊望姑墓

有序

己亥夏假館於邵君俊干別墅俊干謬欲執贄余

愧不足當書箴以贈

奉題桂丹盟先生

超萬

養浩齋詩集時初見於務

關

題吳湛溪同年德清比部孤燈夢雨圖湛溪憶亡

弟

題湛溪詩鈔

題王海樓明府倚闌觀日出圖

題黃澍齋司寇爵滋如此江山圖二首

題吳月霄天奇閣集

之官江右畱別都門諸同年四首

丁酉重陽蔡耘圃明府宴招文郁廷太守元雲渠

別駕蔣韻泉吳薌林姚楚芳王明之張心畬余

朗齋諸先生於青雲書院余庖代金谿卸篆抵
郡幸陪雅讌因賦二律

留別澱江士民四首

余錄官澱江時公牘文字一冊名學製草錢小南
序題駢語獎飾逾恒賦此以謝

蕪湖過鄧林颺司馬怡園贈戴茂才頤齋芝樓昆
仲

人日登燕子磯有感

大廷尉趙蓉舫夫子招同門下士孫編修蘭檢江
檢討季安夏儀部百初李秋曹玉泉蔣心香程

木身文三
庶茲二水部小集霄齋賦呈

再之江右畱別都門諸同年四首

春草八首

菊江亭懷靖節先生

題家寄人二兄畫鞠舊筵

謁于瀛舫夫子於婁江官署值因事他往延候數

日感賦

題周吟樵馬上看殘花圖

卷三

書牘一

上大府請罷英夷和議書

上林少穆宮保書

均林宮保覆書

覆署吉安文太守詢泰和地方情形書

覆吳中丞札飭辦理命案及施七釐散書

卷四

書牘一

覆吳中丞札查拏獲邪匪情形書

覆吳中丞請疏銷緩限書

覆吉安李太守諭行事宜書

請捐貲撫卹災黎上各憲書

請發撫卹銀兩上各憲書

請將舊欠銀米分別帶徵遞緩上各憲書

辦理撫卹事宜上本府書

請發捐錢豫籌接濟以工代賑上各憲書

覆上請示勸捐情形書

覆首府鄧太守論辦理撫卹事宜書

覆首府鄧太守函示勸輸捐賑書均鄧太守覆書

續覆首府鄧太守辦災情形書附鄧太守覆書

辦理張連輝等致斃六命情形上饒州胡太守書

請將職員孫明捐置義田條欵立案詳牘

卷五

書啟

答陳虎臣明經書

答安仁大令夏謙甫論漕米變價情形書

附謙甫
大令書

答夏謙甫書

與芝陽紳士書

先從堂嫂烈婦李孺人徵詩啟

籌議漕米礙難改折情形上大憲書

補編

卷六

雜箸

興國縣寶賢鄉書院記

重建芝陽書院記

孫氏義田記

敏果齋叢書鄉守外編節要合刻序

劉惕庵文跋

代大父壽霞峯先生八十序

代大父壽文堅先生七十序

烈山五旬初度序

祭鄱湖神文

祭石瑤辰司馬文

祭胞叔祖亨衢公文

祭李肖韓姻丈文

祭先大父文

祭先兄步鼇嫂李孺人文

附錄

卷之三

目錄

一

--	--	--	--	--	--	--	--	--	--

槐卿遺藁卷一 賦

石埭沈衍慶著

清丈屯田賦

爲曹二尹沅作

曹使君驚才颺舉壯志烟高氣吞八垓以外目營四海
而遙夫何一官淪落百感牢騷未大展其驥足僅小試
乎牛刀一日挾冊語沈隱侯曰曩者大府入告清丈屯
田虔州太守功實偉焉贛郡伯汪公今陞甘肅廉訪維予奉檄佐以
周旋櫛風沐雨越陌度阡蓋擘畫者萬畝而經營者三
年撫茲景光駛如駒隙爰付丹青用誌鴻雪騁君妍詞
乞君彩筆爲予賦之庶足酬一寸之心傳三毫之頰乎

隱侯曰善願伸其說原夫屯田之設寓兵於農貢賦追
胥周官之遺灋因田致穀漢代之成功洎洪武始分衛
授甲士以井封繼則承平日久濟運是供海忠介之議
代相因而未革趙充國之奏用雖異而制同然而法貴
與時相維政無百年不弊則有贛州衛信豐故屯者趙
清獻撫理之區王文成經營之地徵通力合作之輸資
輓粟飛芻之利迄今稽遂師戶冊大半花分記李迪兵
糧偏多詭寄思正本而清源亟履畝而會計迺分職而
課功實首推乎賢吏始則春日遲遲春草萋萋泥融犢
叱日煖鶯啼皂蓋飛而落花拂雕鞍駐而柳影低甲長

偕丁男咸集兒童與父老爭攜細核魚鱗疊疊重重之
冊斜連雁齒長長短短之堤莫不歡迎晴陌踏徧芳蹊
已而桑柘陰濃蒲葵秀吐蟬噪干林蛙鳴兩部蒼頭赤
脚來看戴笠長官蕉扇練衫去訪耦耕田父一經一緯
兮記事珠五弓十弓兮記里鼓持籌握算兮小史忙簞
食壺漿兮民風古揮汗兮忘勞病畦兮堪伍無何金風
夕爽玉露朝濡香飄老桂葉脫修梧或荷竿而蟻旋或
橐筆以鳧趨雁陣驚寒一一寫長天之字螺紋劃界庚
庚描縮地之圖漫疑騷客吟秋徙倚松石也似田家作
苦甘辱泥塗况乃朔風號層雲沍梅萼含雪花布人爭

入室以擁爐此尙衝寒而覓路玉樓凍合麾玉尺以相
於銀海光搖眩銀繩兮交互橫者勾而縱者股九章之
算術同參圓成璧而方成珪萬頃之原田如鑄功成四
序歲閱三周一朝報最尺綬先酬滄桑飄忽幾度春秋
傾蓋重逢羨智珠之朗映披圖回首感宦海之沉浮話
辛苦於當年剩有廬山真面問行蹤於此日憑他矮屋
擡頭然而刀或善藏箸猶請借幽谷已卜遷喬佳境定
知餐蔗願君揚前徽宣德化木必從繩馭無泛駕政在
養民功先教稼行看畱傳治譜羣欽仙吏之芳型卽今
寫入幽風應貴洛陽之紙價

鑿壁偷光賦

以題爲韻

人下董帷天開劉閣德有鄰而不孤明自牖而可納匠
心苦則出巧思棋路窮而生妙著照來不夜想陽遷之
城開暗處難投忽梁乘之珠灼晷莫焚膏而繼難探二
酉之奇迹同鑽穴而窺欲借五丁之鑿溯匡衡之勤學
也閉戶朝吟篝燈來惕陰有寸而心珍師何常而疑析
家無長物那得燃松庭有餘清何曾買荻原堪雪映恨
飛絮之不逢欲待月明隱殘灰而難覲奈夜色之冥冥
致書聲之寂寂何以燦乎隱隱蟻穿隙以窺鄰於焉鑿
之冲冲龍欲飛而破壁火何須乞光不防偷自他有耀

在我何求小洞堪探輝煌影射隔垣可望燦爛輝浮非
窺客於韓姬墻雖穿而不礙擬借明之齊女燭有燄而
爭流映徹千篇數行行之墨暈通來一線借點點之火
毳了了昭彰吟聲正長星微微而入戶電閃閃以照廊
燒華燭之三條人頻換跋分餘明於四壁學是面牆助
三更之苦志添五夜之寒芒觸處會通莫認穿墉鼠穴
引來不隔肯孤過隙駒光他時

鶴禁觀書

鳳池題句挑起草之銀燈耀送歸之蓮炷莫不瞻藻彩
之高翔羨明揚之奇遇詎知其由於苦讀寒窗辛勤薄

暮百里宵遊一孔影度研究而金題遍誦已先騰射斗
之光贊襄而玉燭能調豈但奏凌雲之賦

修篁近成林賦

以題爲韻

登齊山而緩步兮憇深竹以優游枝扶疎以瀟灑兮榦
勁直而清幽亭亭兮綠天覆藹藹兮青雲浮比渭川之
千畝兮傲烟雨而吟秋擬淇澳之如簟兮聳百尺而偏
修羨此君之高致兮迓騷客而常畱萬竿千竿密密成
行禪關之外古寺之旁依山千曲在水一方篩夜月兮
搖曳吟曉風兮鏗鏘始也貓頭未吐鴉嘴初張籜葱龍
而欲解筍鬱郁以交相繼則龍孫競發鳳尾爭長烟梢

高接霧幹遠揚排一林之茂密鋪萬个之青蒼瞻蕭條
兮三徑獨雅愛於修篁當夫雨潤如酥煙凝似粉綠濕
蓀枝青遮籬槿朝霧輕籠凍雷發忿生意油然凡塵不
近於焉逍遙可舒幽憤若乃夏日方長繁陰密蘊淨掃
蒼苔此間小隱酒泛杜康筵書柳惲旣引薰風還消塵
坳坐卧林中絕無拘謹至若秋氣澄清秋月倍明千尋
掩映半畝縱橫金風颯颯玉露盈盈鐸聲欲碎天籟爭
鳴蕭騷逸韻足繫我情又或嚴冬冷逼六出飛瓊瀟然
葉底碎玉同聲菁葱依舊傲雪敷榮不改柯而易葉標
古榦以常撐此則貫四時而各窮其致而繪畫之所難